

14-11-2019
Sarajevo,
Broj: 02-03-58355

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 03-06-56019 od 04.11.2019.godine, Generalna direktorica donosi:

ODLUKU

o izboru najpovoljnijeg ponuđača
za nabavku aparata za dijalizu

I

Prihvata se prijedlog Komisije za javnu nabavku, Izvještaj br. 03-06-56019 od 04.11.2019.godine, za nabavku aparata za dijalizu za potrebe Klinike za hemodijalizu, nakon provedenog konkurentskog postupka javne nabavke i ugovor dodjeljuje najpovoljnijem ponuđaču:

1. INEL-MED d.o.o. Mostar

- Ukupna vrijednost ugovora: **0,01KM sa PDV-om**
- Tip ponuđenog: - Dialog + HDF online; BBraun Avitum AG Njemačka
- Uslovi plaćanja: Plaćanje će se vršiti u roku 30 dana od dana isporuke, instalacije, puštanja u rad predmeta nabavke i edukacije uposlenika ugovornog organa, te ispostavljanja fakture. Sastavni dio fakture je “Zapisnik o obavljenoj primopredaji aparata” na kojem se navode vrijeme isporuke, vrijeme instalacije, vrijeme puštanja u rad predmetne opreme i konstatuje ispravnost istog, te vrijeme edukacije uposlenika ugovornog organa uz ovjeru i potpis dobavljača, krajnjeg korisnika /Klinika za hemodijalizu i Službe za održavanje medicinskih uređaja KCUS-a.
- Rok isporuke tvornički novog, nekorištenog i potpuno ispravnog hemodijaliznog aparata: 30 dana od potpisivanja ugovora i izdavanja narudžbenice.
- Garancija na isporučeni aparat za hemodijalizu: 12 mjeseci, a teče od dana potpisivanja Zapisnika o primopredaji aparata.

II

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.1 Tenderske dokumentacije, u skladu sa dostavljenom Izjavom ponuđača, ne stariji od 3 mjeseca računajući od momenta predaje ponude, ukoliko isti nisu dostavljeni uz ponudu.

III

Ova Odluka stupa na snagu danom donošenja i objavit će se na web stranici KCUS-a putem web stranice Kantona Sarajevo istovremeno sa dostavljanjem ponuđačima učesnicima postupka javne nabavke.

OBRAZLOŽENJE

Na osnovu Odluke o pokretanju postupka javne nabavke br.02-03-50815 od 08.10.2019. godine, a procijenjena vrijednost nabavke iznosi 20.500,00 KM bez PDV-a. Nabavka je planirana Planom javnih nabavki za 2019.godinu: kategorija „investicije robe“ redni br. 66, (Odluka o usvajanju izmjene i dopune Plana javnih nabavki Kliničkog centra Univerziteta u Sarajevu za 2019 godinu, broj: 422/19 protokol br. 02-01-43259/19).

Za predmetnu nabavku sredstva su obezbjeđena u budžetu Općine Novo Sarajevo za 2019.godinu– Sporazum o realizaciji Grant sredstava iz Budžeta za 2019. godinu br.012-14-602/19.

Klinički centar Univerziteta u Sarajevu je dana 14.10.2019. godine na portalu e-nabavke, objavio Obavještenje o nabavci broj: 893-7-1-639-3-392/19 zajedno sa tenderskom dokumentacijom. Sa portala e-Nabavke tendersku dokumentaciju je preuzelo 12 (dvanaest) potencijalnih ponuđača, a do krajnjeg roka određenog za prijem ponuda, 24.10.2019. godine, dostavljene su 2 (dvije) ponude ponuđača: Inel-Med d.o.o. Mostar, i PTD MGM Farm d.o.o. Kakanj.

Komisija za predmetnu javnu nabavku imenovana Odlukom broj: 03-06-52724 od 17.10.2019.godine je izvršila uvid i provjeru svakog dostavljenog dokumenta i ustanovila da ponude ponuđača : **Inel-Med d.o.o. Mostar; i P.T.D. MGM FARM d.o.o. Kakanj** sadrže tražene elemente ponude i ispunjavaju formalno pravne, suštinske i tehničke zahtjeve postavljene tenderskom dokumentacijom, te da **su prihvatljive** i mogu biti predmet vrednovanja.

Za ovaj postupak javne nabavke planirano je provođenje e-aukcije, koja je na osnovu Zapisnika Komisije o ocjeni ponuda za provođenje e-Aukcije br.02-03-54184 od 24.10.2019.godine zakazana za 30.10.2019. godine sa početkom u 09 h i 30 min.

E-Aukcija je trajala u vremenskom terminu od 09 h i 30 min i okončana u 11 h i 58 min, što je evidentirano Izvještajem o toku i završetku e-Aukcije koji čini sastavni dio Izvještaja Komisije.

Nakon okončanja e-Aukcije Komisija je Izvještajem br. 03-06-56019 od 04.11.2019.godine dala prijedlog, da se donese odluka o izboru najpovoljnijeg ponuđača i ugovor za nabavku aparata za dijalizu dodjeli ponuđaču: „Inel- Med“ d.o.o. Mostar sa ponuđenom cijenom u iznosu od 0,01 KM sa PDV-om.

Prijedlog Komisije je prihvaćen i donosi se odluka kao u dispozitivu.



GENERALNA DIREKTORICA
Prof.dr. Slobija Izetbegović

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

Handwritten signature in blue ink, possibly 'Slobija Izetbegović'.